

**ZAPISNIK SA 26. SJEDNICE UO-a SAMOSTALNOG SINDIKATA RADNIKA u BHRT-u, održane
31.01. 2017. godine**

Prisutni: D. Smital; E. Čengić; N. Žuga; E. Fočo; M. Grbo; D. Miljević; M. Baručija; G. Brkić; T. Maličbegović; N. Hodžić; N. Arnautović; N. Čordalija; Dž. Kahrca

Odsutni: M. K. Pašalić; B.Hamzagić; S. Topalić; O. Bukić; - **opravdano**

Gosti: M. Šehić; M. Helać

Dnevni red:

1. Usvajanje zapisnika sa 25. sjednice UO SSR u BHRT-u
2. Aktuelna situacija u BHRT-u
 - protest upozorenja
3. Blagajnički izvještaj za decembar 2016
4. Izvještaj i specifikacija BSO za decembar 2016/ N. Žuga
5. Dodjela pomoći
6. Razno.
 - 8. mart/ E. Čengić

AD 1 D. Smital je pročitao dnevni red koji je jednoglasno usvojen, prešlo se na analizu zapisnika sa 25. sjednice, koji je takođe jednoglasno usvojen.

AD 2 D. Smital je obavijestio prisutne da će biti uplaćena plata, i nastavio sa analizom održanih protesta, koji su urađeni korektno. E.Čengić je napomenuo da će rok od 60 dana brzo proći, te da se već sada treba pripremati za sljedeće. Raspravljalo se o organizovanju sljedećih protesta, i naglasilo da treba obavezno konsultovati advokata i SSS BiH oko istih, kako bi svojim iskustvom i savjetom pomogli u samoj organizaciji.

Dž. Kahrca je predložio da se uputi dopis poslovođstvu kuće i zatraži sastanak kako bi se povećala količina programskog sadržaja vezanog za problem naplate RTV takse, odnosno neusvajanja izmjena zakona o Javnom RTV Sistemu. Prijedlog je jednoglasno usvojen. Također je rečeno da se u tim programskim sadržajima stavi naglasak na političare, jer isti nisu usvojili izmjene zakona o Javnom RTV Sistemu.

Dž. Kahrca je informisao prisutne da su ukupni troškovi vezani za održavanje protesta iznosili 832,73 KM (put u Banja Luku na sastanak sa predsjednicom Saveza samostalnih sindikata RS-a, gospođom Rankom Mišić, kupovina dva banera, troškovi organizacije protesta), na osnovu čega je donešena odluka o troškovima protesta, koja je jednoglasno usvojena.

Rukovodstvo sindikata je informisalo UO da su poslana pisma Š.Džaferoviću, S.Softiću i D.Zvizdiću sa zahtjevima sa protesta kao i zahtjevima za održavanje sastanaka na kojima bi sindikat prezentovao i svoje prijedloge.

E. Čengić je informisao prisutne o dobrom medijskom praćenju protesta, za koje je rečeno da su fer i korektni, izuzimajući izjave predsjednika SO BHRT-a Ž. Bajića.

N. Čordalija je mišljenja da se SSR u BHRT-u treba oglasiti na provokacije SO BHRT-a. Nakon duže diskusije, jednoglasno je usvojen zaključak da se pripremi materijal u vidu saopštenja medijima, ukoliko SO BHRT-a ponovo javno bude opstruktivno djelovala prema SSR u BHRT-u.

D. Smital je pročitao inicijativu naša četiri uposlenika, koji su zamolili da se nađe način, kako bi se prestalo sa iznošenjem različitih stavova dva sindikata po pitanju stabilnog finansiranja BHRT-a i da se u 15 sati održi sastanak između delegacija dva sindikata, kako bi se riješilo to pitanje. Svim uposlenim je osnovno pitanje stabilno finansiranje kuće.

Rukovodstvo sindikata je pripremio odgovor na inicijativu koji je jednoglasno usvojen.

M. Helać je usmeno obrazložio inicijativu, i rekao da su iz SO BHRT-a prihvatili istu, te da bi UO SSR u BHRT-u trebao prihvatiti inicijativu i odrediti delegaciju za sastanak, kako bi se razgovaralo o inicijativi koju je podnio sa još troje kolega, radnika BHRT-a. Također je naglasio da se njegov angažman po ovom pitanju završava nakon završetka sastanka.

Nakon duže rasprave i na zahtjev više članova UO, D. Smital je ponovno dao inicijativu za održavanje sastanka sa SO BHRT-a na glasanje, i glasalo je 6 ZA, 3 PROTIV i 4 SUZDRŽANA. Obzirom da nije bilo dovoljno glasova ni za ni protiv odluke, u skladu sa poslovnikom o radu UO, D.Smital je ponovno otvorio raspravu. Nakon kraće ponovne rasprave, inicijativa je ponovno stavljena na glasanje i usvojena sa 7 glasova ZA, 2 PROTIV i 4 SUZDRŽANA. Donesen je zaključak da će delegaciju činiti D. Smital, Dž. Kahrica, E. Čengić i G.Brkić, kao i da je mandat delegacije isključivo dogovor da sindikati u BHRT-u neće ni na koji način opstruirati rad i djelovanje jedni prema drugim, a u interesu svih uposlenike BHRT-a. Zaključak je usvojen jednoglasno.

AD 3 Blagajnički izvještaj je primljen k znanju.

N. Žuga je izvijestio prisutne da je za ispraćaj penzionera potrošeno 1.300,00 KM i to 8 penzionera po 150KM i 100KM za samu organizaciju. Izvještaj je jednoglasno usvojen

AD 4 Izvještaj BSO je primljen k znanju.

AD 5 Na prijedlog komisije za dodjelu finansijske pomoći (N.Žuga, G.Brkić, M.Grbo) podijeljena je novčana pomoć za sljedeće članove; Mladen Tvrtković- 2x200 KM; Kerim Hurla - 3x500 KM; Hajro Rožajac - 3x300 KM; Ismet Pavlović - 2x200 KM; Nazmi Zukaj -200 KM i Denis Zaklan -200 KM.

Poklon bon za rođenje djeteta u iznosu po 200 KM dobili su: O. Dujković i A. Džanković
Na osnovu Pravilnika o dodjeli finansijske pomoći članovima sindikata, komisija je odbacila zahtjeve J. Bešić i A.Sacic dok račune nikada nije dostavio A.Kršo.

Ovaj prijedlog komisije je jednoglasno usvojen.

AD 6 E. Čengić je predložio da se za članice SSR u BHRT-u i ove godine uplati poklon bon DM-a, u iznosu od 25,00 KM. Dž.Kahrica i D. Smital su predložili dopunu prijedloga da se ova aktivnost ne realizuje ukoliko plata za januar ne bude uplaćena do kraja februara. Dopuna prijedloga je odbijena, a glasalo se 5 ZA i 8 PROTIV. Prijedlog E. Čengića je usvojen, a glasalo se: 11 ZA i 2 SUZDRŽANA.

Izvršni sekretar
SAMOSTALNOG SINDIKATA
RADNIKA U BHRT-u
Elvis Čengić

Predsjednik
SAMOSTALNOG SINDIKATA
RADNIKA U BHRT-u
Damir Smital